

兩  
浙  
名  
賢  
錄

兩浙名賢錄卷三十九目次

才望

漢

江夏太守賀仲真純

吳郡太守盛孝章憲

子巨附

三國吳

沈子正友

典軍中郎將丁誥

晉

濟陰太守虞子文昂

廣州刺史孔德澤汪

中丞孔敬林羣

具典太守虞思行斐

子谷附

吏部尚書謝弘道奉

黃門侍郎王子猷

附子猷

尚書左僕射謝叔源混

宋齊梁陳

侍中沈景緯冲

兄淡深附

楊州別駕陸遜業開

子緒附

尚書左僕射陸士完繕

楊州中從事孔淹原廣

附孔淹

謝右丞岐

弟嶠附

隋

禮部侍郎許務本善心

唐

太平詹事陸餘慶

附子孫

給事中徐處仁

秘書監馮退思

附子絨

宋

工部侍郎錢就之

防禦使錢明叔

附弟暄

天章閣待制沈典宗

起少宰劉德初

父載二子附

荆湖轉運判官劉先之

牧

判南京國子監方

閔弟閔開附

安撫使盧行之

知原錄事參軍何茂恭

格父榮兄恢附

寶謨閣待制陸務觀

游平江守徐吉卿

知鄂州莫子濛

史部侍郎鄭汝諧

轉運判官葉實之

朝請郎王道甫自中

知閩縣胡巖起

父巢子居仁附

直秘閣趙蹈中汝謹

中書舍人陳介翁力修

進士孫吉甫枝

父允子起子附

兵部尚書洪伯魯勲

元

治中陳剛中孚

胡仍仲之綱

弟之純附

明一

刑部主事葉夷仲見泰

弟附

刑部郎中詹國器鼎

大理寺評事顧觀

禮部右侍郎蔣良夫驥

禮部尚書李至剛銅

南國子祭酒陳光世敬宗

刑科給事中陸中善

子珪附

尚寶司少卿朱永年祚

辰州知府何彥容瀕

翰林庶吉士柴廣敬欽

少詹鄒汝舟濟

太僕寺少卿沈升

監察御史陳廷章憲

陝西左叅政李孟博約

山東叅議張子良

刑部郎中鄭良載厚

兵部尚書徐良玉琦

僉都御史陳廷詢詔

南太常少卿夏韞輝瑄

僉都御史陸仲輿矩

大理寺卿湯正傳宗

刑部右侍郎葉景暘春

左副都御史邵以先玘 監察御史陸子達和

工部尚書王原之來附子鑄 禮部尚書王一寧

巡撫都御史陳德清漁 應天府尹彭中孚信

左春坊周中規旋 兵部郎中洪子常經

少詹事司馬恂如恂 湖廣叅政倪良弼輔

禮部右侍郎汪伯諧附子 工部尚書胡其之拱辰

副都御史陳宗之錫附弟欽

兩浙名賢錄卷之三十九目次終

兩浙名賢錄卷之三十九

東海徐象梅仲和氏纂

平原沈延銓秀納氏閱

才望

漢 共三人

江夏太守賀仲真純

賀純字仲真山陰人少爲諸生博極羣藝三舉賢良皆不就復徵議郎數陳災害上便宜數十事多見省納官終江夏太守



吳郡太守盛孝章憲

子巨附

盛憲字孝章會稽人舉孝廉補尚書郎稍遷吳郡太守以疾去官居餘姚孫策平定吳會誅其英豪不附已者憲素有盛名策深忌之少府孔融憂其不免致書曹操稱孝章丈夫之雄天下談士依以揚聲宜有以引拔之操徵爲騎都尉制命未至果爲孫策所害子巨奔魏官至征東司馬

三國吳

共三人

沈子正友

沈友字子正，會稽興人。年十一，華歆行風俗，見而異之，因呼曰：「沈郎！」可登車語。友逡巡却曰：「君子講好會，實以禮。今仁義陵遲，聖教漸壞，先生銜命將以裨補先王之教，整齊風俗，而輕脫威儀，猶負薪救火，無乃更崇其熾乎？」歆曰：「自桓靈以來，雖多英彥，未有幼童若此者。」弱冠博學，多所貫綜，善屬文辭，兼好武事。注孫子兵法，又辯於口，每所至，衆人皆默然，莫與爲封。咸言其筆之妙，舌之妙，刀之妙。三者皆過絕於人。權以禮聘，既至，論王霸之畧，當世之務，權改容敬焉。正色立朝，清議峻厲，爲

虞臣所譖誣以謀反權亦以終不爲已用故殺之

典軍中郎將丁誦

丁誦錢塘人時方尚門閥而誦地族寒微與陽羨張乘  
烏程吳粲雲陽殷禮並有時名顧劭拔而友之爲立聲  
譽以並陸全之列仕吳至典軍中郎將

晉 共九人

濟陰太守虞子文曷

虞曷字子文翻之第八子也少有倜儻之志仕吳黃門  
郎以捷封見異超拜尚書侍中晉軍來伐遣曷持節

督武昌以上諸軍事及建鄴不守先上還節蓋印綬然後歸順晉武嘉其有禮授濟陰太守抑強扶弱甚著威風卒於官

廣州刺史孔德澤汪

孔汪字德澤會稽內史愉之次子也好學有志行孝武帝時位至侍中時茹千秋以佞媚見幸於會稽王道子汪屢言之於帝帝不納遷尚書太常卿以不合意求出爲假節都督交廣二州諸軍事征虜將軍平越中郎將廣州刺史甚有政績爲嶺表所稱太元十七年卒

中丞孔敬林羣

孔羣字敬林，餘不亭侯。愉之從弟也。有智局志，尚不羈。蕞峻入石頭時，匡術有寵於峻，賓從甚盛。羣與從兄愉同行，於橫塘遇之。愉止與語，而羣初不視術。術怒，欲辱之。愉下車抱術曰：「吾弟發狂，卿爲我省之。」乃獲免。後峻平，王導保存術，嘗因衆坐，令術勸羣酒，以釋橫塘之憾。羣答曰：「羣非孔子厄，同匡人。雖陽和布氣，鷹化爲鳩，至於識者，猶憎其目。」導有規色。歷仕中丞，性嗜酒，導嘗戒之曰：「卿恒飲，不見酒家覆甌布，日月久糜爛邪？」答曰：「公

不見肉糲淹更堪久邪嘗與親友書云今年田得七百石秣不足了麴蘖事其沉湎如此卒於官嗣子沉傳在高隱

吳興太守虞思行驥

子谷附

虞驥字思行潭之兄子也雖機幹不及於潭然而素行過之與譙國桓彝俱爲吏部郎情好甚篤彝遣溫拜驥驥使子谷拜彝歷吳興太守金紫光祿大夫王導常謂驥曰孔愉有公才而無公望丁潭有公望而無公才兼之者其在卿乎官未達而喪時人情之子谷位至吳國

內史

吏部尚書謝弘道奉

謝奉字弘道山陰人歷安南將軍廣州刺史吏部尚書  
免官東還道遇謝安停三日共語安欲慰其失官奉輒  
引以他語雖信宿竟不言及安深恨之謂同舟曰謝奉  
故是奇士

黃門侍郎王子猷徽之 子楨之附

王徽之字子猷性卓犖不羈爲大司馬桓溫參軍蓬首  
戴帶不綜府事又爲車騎桓冲騎兵參軍冲嘗問卿署

何曹封似是馬曹。又問管幾馬。曰不知。馬何由知數。又問馬比死多少。曰未知。生馬知死。嘗寄居空宅中。便令種竹。或問其故。徽之但嘯咏。指竹曰。何可。一日無此君。時居山陰。夜雪初霽。月色清朗。四望浩然。獨酌酒。詠左思招隱詩。忽憶戴逵。逵時在剡。便夜乘小船詣之。經宿方至。造門不前而反。人問其故。徽之曰。本乘興而來。興盡而反。何必見安道邪。雅性放誕。好聲色。嘗夜與弟徽之共讀高士傳。讚獻之賞。并丹高潔。徽之曰。未若長卿慢世也。其傲達若此。後爲黃門侍郎。弃官東歸。與獻之



俱病篤、未幾、獻之卒、徽之奔喪、不哭、直上靈床坐、取獻之琴彈之、久而不調、歎曰、嗚呼、子敬人琴俱亡、因頓絕、先有背疽、遂潰裂、月餘亦卒、子楨之、字公幹、歷位侍中、大司馬、長史、桓玄爲太尉、朝臣畢集、問楨之、我何如君亡、楨之在坐、咸爲氣咽、楨之田亡、叔一時之標、公是千載之英、一坐皆悅、

尚書左僕射謝叔源混

謝混字叔源、會稽內史琰之子也、少有美譽、善屬文、明孝武帝爲晉陵公主求婚、謂王珣曰、生婚但如劉真長

王子敬便足如王處仲桓元子誠可才小富貴便豫人家事珣對曰謝混雖不及真長不減子敬帝曰如此便是未幾帝崩袁崧欲以女妻之珣曰卿莫近禁衛初元帝始鎮建鄴公始窘罄每得一狔以爲珍膳項上一鬪尤美輒以薦帝臣下未嘗敢食於時呼爲禁鬪故珣因以爲戲混竟尚主襲父爵桓玄嘗欲以謝安宅爲營混曰召伯之仁猶惠及甘棠文靖之德更不保五畝之宅邪玄聞慙而止歷中書令中領軍尚書左僕射領選以黨劉毅誅國除及宋受禪謝晦謂劉裕曰陛下應天受

命登壇日恨不得謝益壽奉璽紱裕亦歎曰吾甚恨之  
使後生不得見其風流益壽混小字也

宋齊梁陳 共十人

侍中沈景緯冲 兄淡深附

沈冲字景緯懷文之季子也仕宋歷撫軍正佐兼記室  
及懷文得罪被繫冲兄弟行謝情哀貌苦見者傷之柳  
元景欲救懷文言於孝武曰沈懷文三子塗炭不可見  
願陛下速正其罪帝曰宜急救之使其意分竟赦之元  
景爲之歎息冲兄弟以此知名累遷司徒錄事齊武在

東宮待以舊恩及卽位轉御史中丞侍中遷五兵尚書  
沖與兄淡深名譽有優劣世號爲腰鼓兄弟淡深並歷  
御史中丞兄弟三人並爲司直晉宋所未有也武帝方  
欲任沖尋卒追贈太常謚曰恭子

揚州別駕陸遐業閼

子絳附

陸閼字遐業慧曉之兄子也有風采與人交不苟少爲  
吳郡張緒所知仕至揚州別駕齊明帝崩閼謂所親曰  
車駕晏百司將聽冢宰主上地重才弱必不能振難將  
至矣乃感心疾不復與州事永元末刺史始安王遙光

據東府作亂。或勸去之。閏曰。吾爲人吏。何可逃死。臺軍攻陷城。閏以綱佐被收。至杜姥宅。尚書令徐孝嗣故。閏不與逆謀。未及報。徐世標命殺之。閏四子。厥絳完。襄也。絳字魏卿。時隨閏抱頸求代死。不獲。遂以身蔽刃。行。者俱害之。厥襄自有傳。

尚書左僕射陸士完緒

陸緒字士完。御史中丞任之子也。幼有志尚。以雅正知名。紹泰元年。除司徒右長史。御史中丞。以父任所終。固辭不拜。陳武帝受命。遷侍中。出爲新安太守。文帝嗣位。

徵爲中庶子，領步兵校尉，掌東宮管記，繕儀表，增麗廼。  
退，聞雅趨步躡履，文帝使太子諸王咸取則焉。後拜御  
史中丞，猶以父所終故固辭，不許。乃權授縣宰，徙以居  
之。歷官太子詹事、尚書左僕射，參掌選事，別勅與徐陵  
等七人參議政事。卒，贈特進，謚曰安子。子數歲，詔引入  
殿內，進止有父風。宣帝因賜名，慧辯字敬仁。

揚州中從事孔淹原廣

孔道附

孔廣字淹原，會稽人。美容止，善吐論，以才學知名。一時  
王儉、張緒咸美之。儉嘗云：「廣來使人廢簿領，臣不須來。」

來別莫聽去。緒數巾車詣之。每歎云。孔廣使吾成輕薄。祭酒其爲名流。傾軛如此。仕至揚州中從事。時同邑孔逌抗直有才藻。嘗製東都賦於時。才士稱會稽二孔云。

謝右丞岐 弟嶠附

謝岐會稽山陰人也。父達梁太學博士。岐少機警好學。仕梁爲山陰令。侯景亂流寓東陽。景平依於張彪。彪在吳郡及會稽。庶事委之。彪每征討恒留岐監郡知後事。彪敗陳武帝引叅機密爲兼尚書右丞。時軍旅屢興糧儲多缺。岐所在幹事深被知遇。永定元年爲給事黃門。

侍郎中書舍人兼右丞如故天嘉二年卒贈通直散騎  
常侍弟嶠篤學爲通儒

隋 凡一人

禮部侍郎許務本善心

許善心字務本新城人祖茂梁散騎常侍父亨仕梁至  
給事黃門侍郎在陳歷衛尉卿領大著作善心九歲而  
孤爲母范氏所鞠養幼聰明有思理多聞默識爲當世  
所稱嘗廢上父友徐陵陵大奇之謂人曰才調極高此  
神童也起家新安王法曹舉秀才對策高第授度支郎



中轉侍郎補撰史學士。禰明二年，加通直散騎常侍。時  
於隋遇高祖，代陳禮成而不獲，及命累表請，辭高祖不  
許，留繫賓館。及陳亡，高祖遣使告之，善心衰服，號哭於  
西階之下，藉草東向，經三日，勅書唁焉。明日有詔，就館  
拜通直散騎常侍，賜衣一襲，善心哭盡哀，入房改服。後  
出北門立，垂涕再拜，受詔。明日乃朝，伏泣於階下，悲不  
復興。上顧左右曰：「我平陳國，唯獲此人，既能懷其舊君，  
卽是我之誠臣也。」勅以本官直門下省，賜物千段，草馬  
二十匹。從幸泰山，還授虞部侍郎。時有神雀集於舍章。

閣高祖召百官賜燕善心卽於坐請紙筆製神雀頌奏  
之高祖甚悅除秘書丞加攝太常少卿與牛弘等議定  
禮樂大業元年轉禮部侍郎時陳後主卒善心爲祭文  
稱後主爲陛下字文述以爲言煬帝召問有實自援古  
例事得釋而帝甚惡之又太史奏帝卽位之年與堯時  
符合善心議以國哀甫爾不宜稱賀帝方自御戎服東  
討善心復上封事件旨帝責不平遂免官明年復徵爲  
守給事郎從度遼授建節尉突厥圍馬門攝左親衛武  
賁郎將領江南兵宿衛殿省駕幸江都追赦前黜授通

議大夫詔還本品行給事郎宇文化及執帝於江都饒位改元隋官盡詣朝堂謁賀善心獨不往化及遣人執而殺之時年六十一越王侗稱制贈左光祿大夫高陽縣公謚曰文節曾孫遠自有傳

唐 共五人

太子詹事陸餘慶 子琛附

陸餘慶陳右衛將軍珣之孫也方雅有祖風已冠名秦顯兄玄表嗜曰爾名宦不立奈何餘慶感激閉戶讀書三年以博學稱舉制策甲科補蕭尉累遷陽城尉武后

封嵩山以辦具勞擢監察御史聖曆初靈勝二州党項  
誘北胡寇邊詔餘慶招慰喻以恩信蕃酋率衆內附遷  
殿中侍御史鳳閣舍人封廣平郡公太子右庶子餘慶  
於寒品晚進必悉力薦藉人有過輒面折退無一言開  
元初爲河南河北宣撫使薦富春孫逖京兆韋述吳興  
蔣洙河南達奚珣後皆爲知名士遷大理卿終太子詹  
事謚曰莊雅善趙貞固盧藏用陳子昂杜審言宋之問  
畢構郭襲微司馬承禎釋懷一時號方外十友餘慶才  
不逮子昂等而風流敏辯過之初武后時酷吏用事中

宗朝倖臣貴王斜封大行昭利裔嗣之人與相乾沒雖  
亟貴驟用而戮不反踵餘慶以道自將雖仕不赫赫訖  
無悔尤子璪字仲采舉明經補長安尉以清幹稱開元  
初中朝臣子弟不官京畿改新鄉令用按察使宇文蠡  
薦遷澠池令累遷兵部郎中東嶺騎使還除洛陽令時  
車駕在洛摧勒奸豪人不敢犯爲中書蕭嵩所器嵩罷  
他宰相俾陰譙嵩短璪口與人交過且不可言况無有  
邪以是忤貴戚出爲太尉少尹累徙西河太守封平恩  
縣男屬邑多虎前守設檻穿璪至微之而虎不爲暴

給事中徐處仁岱

徐岱字處仁嘉興人世農家子於學無所不通辯論明銳座人常屈大曆中劉宴表爲校書郎觀察使李栖筠欽其賢署所居爲復禮鄉名達於朝擢偃師尉禮儀使蔣鎮薦爲太常博士專掌禮事從德宗出奉天以膳部員外郎兼博士貞元初爲太子諸王侍讀遷給事中史館修撰帝以誕日歲歲詔拂老儒者大論麟德殿并召岱及趙需許孟容常渠牟講說始三家若矛楯然卒而同歸於善帝大悅賁予有楚爾官恩遇無比性篤慎至

官殿中讀未嘗道之不讓人短宗族孤孺皆爲婚嫁奉  
贈禮部尚書

秘書監馮退思審 子緘附

馮審字退思東陽人左散騎常侍定之從弟開成中爲  
諫議大夫拜桂管觀察使歷國子祭酒監有孔子碑武  
后所立睿宗署額審請琢周著唐終秘書監子緘字宗  
之乾符初歷京兆河南尹以才幹稱

宋 共三十一人

工部侍郎錢就之

錢昱字就之、忠獻王佐之子、宋建隆初、入貢京師、太祖  
器之、太宗於南府置宴、引弓校射、一發中的、太宗解玉  
帶賜之、後隨忠懿王俶奉土歸朝、改領白州刺史、上太  
平錄一卷、太宗賞其才、授秘書監、除工部侍郎、

防禦使錢明叔晦

弟暄附

錢晦字明叔、文僖惟演之仲子、以父蔭、歷官東上閣門  
使、時貴州團練王守忠領兩使留後、移閣門、定朝立宴  
坐位、晦因言、天子大朝會、令宦者齒士大夫、坐殿上、必  
爲外夷所笑、守忠更欲以禮服進酒、晦又以爲不可、勾



當三班院羣牧都監授忠州防禦使知河中府帝因戒  
曰陝西方罷兵民困久矣卿爲朕愛撫毋縱酒樂使人  
呼爲貴戚子弟也晦頓首謝尋改潁州復還三班院同  
提舉集禧觀歷霸州防禦使爲羣牧副使卒弟暄字載  
陽歷官駕部郎知台州進少府監權塩鉄副使暄鈞考  
諸路通租兩浙轉運使負課當坐暄上言浙部仍歲飢  
故租賦不登籍今使者獲罪必亟歛於民民不堪矣神  
宗卽詔釋之尋以光祿卿出知鄆州拜寶謨閣待制卒  
天章閣待制沈與宗起

沈起字典宗明州人進士高第監真州轉般倉闢父病  
委官歸侍有司劾其擅去帝謂輔臣曰觀過知仁今由  
父疾而致罪何以厚風教而勵天下之爲人子者服除  
特遷之知海門縣御史中丞包拯舉爲監察御史以論  
興國鹽鉄事不合出知蘄楚二州京東歲飢盜起除提  
點刑獄至則開首贖法携其伍盜內自睽疑轉相束縛  
唯恐後遷湖南轉運使召直舍人院加集賢殿修撰知  
吏部流內銓奉使契丹至王庭其位著乃與夏使等起  
曰彼陪臣爾不當與王人齒辭不就列遂升東朝使者

自是爲定制拜天章閣待制知桂州未幾代蕭注經略  
交趾無功貶圉練使安置郢州已而徙越又徙秀卒起  
生平喜談兵嘗以兵法謁范仲淹仲淹器其材注孫武  
書以自見卒用此敗

少宰劉德初正夫

父載子阜民阜民附

劉正夫字德初衢州西安人父載字子厚剛正有守魁  
南省仕檢正以論事忤執政疏乞歸正夫未冠入太學  
有聲與范致虛吳材江嶼號四俊第進士除左司諫時  
方寃蔡卞獄正夫人對徽宗語及之正夫徐舉淮南尺

布斗粟之謠以諷帝感動解散其獄待蔡王如初他日  
謂正夫曰兄弟之間人所難言卿獨能及此後必爲公  
輔又言元祐紹聖所修神宗史互有得失當折衷其說  
傳信萬世遂詔刑定而以起居舍人爲編修官不閱月  
遷中書舍人進給事中禮部尚書太學諸生習樂成蔡  
京欲官之正夫曰朝廷長育人材規爲時用而使與伶  
官齒策名以是得毋爲士子羞乎東封儀物已具正夫  
請間力陳不可帝皆爲之止益喜其不與京同遂拜特  
進少宰半歲屬疾三上章告老除安化軍節度使開府

儀同三司致仕病小愈丐東歸詔肩輿至內殿長子阜民掖入坐從容及燕雲事曰臣起書生軍旅之事未之學然兩朝信誓之久四海生靈之衆願深留聖恩明日徙節安靜軍起克中太乙官使封康國公歸至盱眙病亟命子弟作遺牘自書留神根本深戒持盈八字遂卒年五十有六贈太保謚文憲帝眷命不衰以阜民爲兵部侍郎少子阜民徽猷閣待制

荆湖轉運判官劉先之牧

劉牧字先之其先爲臨安人曾大父彥琛爲吳越王

有功轉衡州。葬西安。於是劉氏又爲西安人。牧生而明。  
數年。十六求舉。進士不中。因有同輩在我處。乃多買書。  
閱戶治之。及再舉。選爲舉首。趙舉饒用軍事推官。與州  
將爭公事。爲所擠。幾不免。及後將范文正公至。牧大喜。  
曰。此吾師也。遂以爲師。文正事數稱牧勉以學任之。以  
事無不立辦。歲終將舉。東官欲以讓其同官。有親而老  
者。文正數息許之曰。吾不可以不咸君之美。及文正來。  
撫河東。乃始舉牧可治。劇於是爲克州觀察。推官改太  
理寺丞。知大名府。先是多盜。牧用其黨推逐有發輒縛。

後遂無爲盜者。詔集強壯，剗其手爲義，數多懼悔，不樂所爲。欲走牧諭以詔意，爲言利害，皆就剗，欣然曰：「剗君，不吾欺也。」用舉者通判廣信軍，以親老不行。通判建州，嘗是時官丞相弼，以樞密副使使河北，與牧字機宜交。字保州兵士爲亂，弼請牧撫視，牧自長垣乘驛三日抵其城下，會弼罷出，牧乃之建州，方并屬縣諸里均其徭。機人大喜，而以外觀去。通判青州，又以內艱去，服除通判廬州。朝廷弛茶權，以牧使江西，議均其稅，蓋期年而後反奏事，得請人皆便之。除廣南西路轉運判官，於是

修陰阮慕丁壯以減戍卒徒倉便輸考攝官功次絕其  
行滕唐二年凡利害無不興廢者乃移荊州北路至踰  
月卒家貧無以爲喪自棺槨諸物皆荆南士人爲具牧  
初爲范富二公所知一時士大夫爭譽其才牧亦慨然  
自以爲當得意已而屯運流落抑沈於庸人之中幾老  
矣乃稍出爲世用若將有以爲也而旣死是以榆材者  
至今爲之悵然

荆南京國子監方閣

弟閭闡附

方閭闡之淳安人博學工文章與弟閭闡同居太學每



才

卷三十九

北

姚

試必迭爲之魁時人語曰兩浙三方天下少雙閣仕至  
判南京國子監閭歷右文殿修撰致仕錫號龍亭居士  
閨仕歷太僕少卿

### 安撫使盧行之知原

盧知原字行之湖州德清人以父任累官梓州路轉運  
副使時承平既久戎備皆弛知原招補兵籍築城亘二  
十餘里王黼當國費出無藝知原因疏言之黼怒罷去  
久之起提點京東刑獄改江西轉運副使先是綱運阻  
於重江吏卒並緣爲姦知原悉意經理故先請道上旗

師進一官尋除秘閣修撰提舉河北以論罷高宗卽位  
復龍圖閣知温州時蕞澠陷建州楊勛陷處州知鳳縉  
甲兵增城浚湟聲勢隱然帝東幸知原由海道轉粟及  
金縉十餘萬至台州召見稱獎擢右文殿修撰管內安  
撫使在郡四年民繪像祠之王師討范汝爲召爲添差  
兩浙轉運使罷提舉太平觀卒弟法原自有傳

錄事參軍何茂恭恪

父集兄恢附

何恪字茂恭義烏人父集多材略睦寇竊發詣軍門獻  
策主帥楊維忠用其言以取勝奏補承信郎監恩州酒

稅營卒謀爲變，密白郡守而往誅其元惡，釋其誣誤，盡  
功。轉承節郎、神武後軍統制、劉光世辟主管本府機密  
文字，未踰月徑歸。每謂人曰：「使吾二子文行有成，勝吾  
擁使節、覲侯封也。」恪與兄恢皆感勵而力學，及同上春  
官，恪中選，恢欣然曰：「是足以報吾父矣。」遂謝場屋。恪好  
古，藏書至萬卷，博覽而工於文。初主永新簿，再調徽州  
錄事參軍，未赴，詣闕上萬言書，進恢復二十策，與朝論  
不合，歸。治園構亭，奉母爲樂，所著有南湖集二十卷。

寶謨閣待制陸務觀游

陸游字務觀，左丞相之孫也。少穎悟，同學該貫，喜爲詩歌，工文辭，淹諳先朝典故，名振一時。張孝祥以詞翰自擅，獨見游輒傾下之。初以廕補官，高宗聞其名，欲召用，而游以口語觸秦檜，故抑不進。紹興末始召對，褒諭再三，賜進士出身。孝宗卽位，遷樞密院編修官，和議將成，游以書白二府，抗陳不便，又代樞臣張燾言龍大淵曾覲招權植黨，榮惑聖聽，上詰知游所代草，怒出通判夔州。王炎宣撫川陝，辟爲幹辦公事，游爲炎陳進取之策，以爲經略中原必自長安始，取長安必自隴右始，當積

粟練兵有霧則攻無則守又知蜀帥吳玠將叛請以吳玠子拱代之以絕亂階玠不從後玠子曦果叛人服其先議范成大帥蜀游爲參議官以文字交不拘禮法人議其頗放因自號放翁預修光孝兩朝實錄成陞寶謨閣待制致仕卒年八十有五常以中原未復爲恨每形之詩歌有示兒詩云老去原知萬事空但悲不見九州同王師北定中原日家祭無忘告老翁其恢復之志垂老不衰如此所著有劍南詩集二十卷續稿六十七卷

渭南集四十五卷行於世

平江守徐吉卿嘉

徐嘉字吉卿，泌之曾孫也。甫冠登第，令德安以材薦。召對稱旨，卽改秩監都茶場。宰相趙鼎以嘉文儒，宜在清禁，遂教授王邸，爲御史累遷侍御史，擢戶部侍郎兼權吏書言者論其有黨，上曰：「嘉朕親擢，安得是？」紹興三十一年，虜亮遣使指索將相，要求壤地，議遣報聘。上獨召嘉及前侍郎劉岑，同日見岑，言臣老矣，恨無以報國，當以頸血濺亮衣。上不悅，次問嘉，嘉對願奉命，與子婿俱往。授次對，爲樞密都承旨。過泗，亮遣使馳驛止之，乃還。

明年亮被屠虜請和復使館伴既覲虜使不肯以書授中使壽經前致書以進虜大沮上嘉之孝宗登極以舊職守泉最聞徙帥越進職改守平江壽皇語孝宗曰是嘗手歛虜書者詔過闕覲兩宮治藉踰年遇德壽慶典進兩階致仕卒

知鄂州莫子濛濛

莫濛字子濛湖州歸安人以蔭入官兩魁法科累官大理寺正吏部火連坐者數百人又不決命濛治之濛察最可疑者留於獄出餘人爲耳目以踪跡之約三日復

奏遂得其實繫者乃得釋黃門倖奏親構盜五十餘人  
上命濛窮竟既至咸以寃告濛命囚去桎梏引倖至庭  
詢竊發之由聞敵之所遠近時日悉皆牴牾折之語塞  
濛具正犯數人奏上餘釋之上諭輔臣曰莫濛非獨騰  
刑獄可俾理錢穀遂除戶部員外郎命措置浙西江淮  
沙田蘆蕩以丈量失實責監饒州景德鎮起知光化軍  
謀金渝盟郡乏舟衆以爲慮濛力爲辦集及敵犯境民  
賴以濟召復原職上諭曰朕尚意向措置沙田甚不易  
濛頓首曰職爾臣不敢避怨上曰使任責者人人如卿



天下何事不成。出知揚州。陞。辭。上。以。城。圯。命。濬。增。築。濬。至。州。規。度。城。圍。分。投。諸。將。各。刻。姓。名。甃。堞。間。懸。重。賞。濬。勅。閱。數。月。告。成。除。實。謨。閣。學。士。大。理。少。卿。兼。權。知。臨。安。府。未。幾。假。工。部。尚。書。使。金。賀。正。旦。金。庭。賜。宴。濬。以。本。朝。忌。日。不。敢。簪。花。聽。樂。金。遣。人。趣。赴。濬。堅。不。從。竟。不。能。奪。使。歸。除。刑。部。侍。郎。兼。臨。安。府。少。尹。出。知。鄂。州。卒。於。官。年。六。十。有。一。贈。奉。政。大。夫。

吏部侍郎鄭舜舉汝諧

鄭汝諧字舜舉。處之青田人。登紹興進士。穎悟貫洽。出

入五經、權衡諸史、辛稼軒一見推服曰、老子胸中有甲兵百萬。丞相洪景伯薦於朝、孝宗書其名御屏曰、鄭汝諧、威而能惠。時浙東苦旱、舉行荒政、轉大理少卿、持公論、釋陳亮囚、進吏部侍郎、告老、以徽猷閣待制致仕卒。轉運判官葉實之墓。

葉恭字實之、義烏人、以世科累官太常寺主簿、輪對言中書政本宜清心正己、以求賢爲務、時宰不悅、改軍器監丞、差知荆門軍、建堡櫓、開溝洫、蒐練民兵、人思奮勵、會京師募建議築城東蒙兩山之巔、恭以山無水泉、且才草。

非敵路條其不便者六置制使趙方不從秦敷曰敵民  
誤國寧有去耳遂解印綬歸有旨除夔州路轉運判官  
俄復予祠結廬東山顏曰抗雲祠滿差知武岡軍未上  
卒子由庚傳在理學

朝請郎王道甫自中

王自中字道甫平陽人登淳熙第以薦召對論古今兵  
制臺臺數百言顛末具舉孝宗動容嘉歎改官爲籍田  
令通判郢州召還光宗曰壽皇以卿屬朕卿姑爲郎以  
相佐乎自中頓首謝曰臣已累壽皇不敢復累陛下固

請外出知延州遷知興化軍終朝請郎自中博學能文章平生尚氣雖知名勝士達官知其無憂當世意直嬉笑孩視之陳同甫亮嘗稱其文曰韓筋柳骨獨步當時自謂不能及又歎今日人材衆多求如道甫髣髴邈不可得葉水心以自中與亮同墓志云志復君之簪大義也欲挈諸夏合南北大慮也必行其所知不以得喪壯老貳其守大節也春秋之材無是也吾得二人焉永康陳亮平陽王自中銘曰哦彼黍離孰知我憂竭命殫力其爲宗周於此見二公生平之大節已

知閩縣胡巖起

父巢子居仁附

胡巖起婺之永康人當唐之季其先自台州來徙宋南渡後以進士科發身者十人持節分符先後相望父巢欽州司法參軍脫略豪雋輕貨急施人以鄭莊稱之巖起登嘉定甲戌進士知福州閩縣事卓行危論奇文瑰句端平嘉定間士大夫皆以爲不可及其在江西幕府平贛州之難於捐顧之間全活數十萬人子居仁淳祐丁未進士知台州軍州事文辭政事亦絕出於四方三世才名重於兩浙一時以爲寡薄

直秘閣趙蹈中汝讜

趙汝讜字蹈中汝談之弟少倜儻有軼才智略出人上  
龍泉葉適嘗過其家汝讜年少衣短後衣不得避適初  
之曰名門子安可不學汝讜慙自是終身不衣短後衣  
折簡讀書與兄汝談齊名天下稱爲二趙以恩補承務  
郎召監左藏庫韓侂冑謀逐趙汝愚汝讜兄弟倡言非  
是且上書訟汝愚冤乞斬侂冑以謝天下竟坐汝愚黨  
廢斥者十年後登嘉定元年進士第除大社令累遷司  
農丞除湖南漕遷江東憲辟除直秘閣廣東經略又辟

仍舊職知溫州卒詔以直煥章閣致仕汝讜嘗將旨江湖威聲聳動襄帥趙方嘗力薦以自代嘉定兵端再起獲黃稠阿魯哈焉於潭州汝讜時將漕欲存金以藩韃厚遇之黃稠吐實以二蠟丸書投汝讜未能白其策而卒黃稠在潭聞之臥血死其規畫之不遂天也汝讜常言宗子不忘君孝子不辱身臨難則功業當如永虛立身則德業當如子政

中書舍人陳介翁力修

陳力修字介翁平陽人上舍優等第一人登紹定第歷

官禮兵部架閣被旨督運江東以給豐濠盧壽五四月  
致米三十五萬斛邊儲用裕擢通州泰州改知無爲軍  
時行和余獨不奉詔除司封郎去之日父老將士攀轅  
垂泣尋爲浙西提刑海寇蕪六積暴衆所切齒前使者  
置不問乃設計殺吏會之拷竟其罪嘗手殺平民四十  
餘立誅之而貸其黨浙石震肅除祭酒都承旨兼中書  
舍人面對言揆路蔽賢之罪聖宗大悟會戚里有以濫  
恩驟進者格其命遂奉祠去盜起荻浦朝廷欲鎮以舊  
人乃畀憲節往行訓諭盜聞風解散久之復請祠歸卒



力修議見高邁遇事敢爲故所至聲譽萬然久而銷旌

進士孫吉甫枝

父九子起于附

孫枝字吉甫鄆人父九受業鄉先生沈銖學以真實爲  
本教授鄉校者十年枝與銖之子煥同游朱文公熹門  
同學益精著書解十三篇嘉定間與子起子同登袁甫  
榜進士允時尚無恙郡守程覃表其里曰重桂鄉枝卓  
邁有智略自秦隴荆襄達之淮海凡邊事軍謀靡不總  
習淮海帥延之幕下枝以祿不逮親辭不就起子爲監  
武恭軍羣卒噪呼於市起子往諭之羣卒羅拜曰孫司

戶清肅官不得犯入朝爲監察御史至太常少卿

兵部尚書洪伯魯勲弟嘉善附

洪勲字伯魯咨夔之長子登淳祐四年進士第少爲崔  
與之魏了翁所知仕至兵部尚書嘗爲詞臣發明先皇  
與子之意人稱其有父氣骨膺端明殿學士謚文靖弟  
熹熹亦與勲齊名皆能紹其家學

元 共三人

治中陳剛中孚

陳孚字剛中臨海人自幼清峻穎悟讀書過目輒成誦

至元中以布衣上大一統賦署上蔡書院典長陞翰林院國史編修官擢禮部郎中副尚書梁曾奉使安南詰其世子陳日燁不庭之罪徃復三書宣布天子威德辭嚴氣直名重一時尋歷建德衢州兩路治中召爲翰林待制改本路治中卒贈翰林直學士嘉議大夫追封臨海郡公謚文惠有天游觀光玉堂交州桐江柯山等集

胡仍仲之綱

弟之純附

胡之綱字仍仲永康人汲仲之從兄也與弟之純皆以經術文學名之綱嘗被薦書自負才名不屑小官遂蒐

獵藝林博綜墳典其於聲音字畫之說自言獨造其妙  
惜其書不傳之純字穆仲咸淳戊戌進士踐履如古獨  
行者文尤明潔可誦與汲仲同稱時人謂之三胡

明一 共三十五人

刑部主事葉夷仲見泰

弟惠仲附

葉見泰字夷仲臨海人王師取台州見泰衣褐造軍門  
謁其帥帥趣見語三日夜不休署部從事遂下永嘉取  
福建收兩廣皆與有力焉未幾使安南卒能論其君長  
來貢以功授高唐州判官遷睢寧令終刑部主事所著

有蘭庄集弟惠仲亦能文號二葉

刑部郎中詹國器傳

詹鼎字國器台之寧海人其家素賤父鬻餅市中而舍縣之大家應繇於官者大家惟吳氏最豪貴舍其家生鼎鼎生六七年不與市中兒嬉遨獨喜遊學館聽人讀書歸輒能言諸生所誦吳氏愛之謂其父令兒讀書鼎欣然其父獨不肯罵曰吾故市人家生子而能業吾業不廢足矣奈何從儒生游也然鼎每自課習夜坐餅竈下誦不休其父見其志不可奪遣之讀書逾年遂通其

師所能師。辭之時，吳氏家延師儒，聘就學。吳氏亦于其  
之使學未數年，吳氏子無能與。聘談者，其師去，聘遂爲  
吳氏諸子師。還邑中，諸儒皆與爲禮稱。詹先生而不取。  
慢元末，方國珍起海上，不能制，以重位授之。國珍開廣  
慶元，求士爲已用。是時，知向背者以爲國盜，也不可輔。  
皆匿不出。國珍聞，聘有才以計獲之，聘爲所獲，不得已。  
因爲之盡力，爲其府都事。有廉名，一心守法，被讒下獄。  
半年，乃釋爲上虞。上虞與僞吳地相錯，軍吏貴臣甚衆，  
以聞儒生不習邊事，稍違約聘，會衆於庭，引一驛丞責。

以不奉公斬之在庭者皆股栗膝行請罪後雖元帥萬  
夫長有所陳說皆長跪以言不敢舉目視其面與臨事  
有才簡牘滿前沮吏而決暇復與故人賓客出遊四秦  
遊士爭及其門嘗以事過臨海令以下皆迎謁且暮傾  
其市中人相指歎曰學之能貴人乃至此乎至正末我  
兵臨廣元城下國珍懼乘樓船遁於海 上怒徵舉兵  
議之莫爲計聞爲草表謝辭甚恭而辭 上讀表曰美  
謂方氏無人哉是可以活其命矣乃赦不問更以國珍  
爲右丞聞亦召至京師聞爲書萬言詣闕下瀆 駕出

上之。上爲之立馬受讀。付丞相官。鼎楊憲爲左丞。惡言事者。奉例。從居梁。又徙陝。去數年。憲敗。凡爲憲用者。皆受誅。鼎賴此。以免。在陝七年。大臣薦鼎名於朝。鼎至京師。中書以謫徙人不宜用。將還之於陝。鼎恐還爲人所輕笑。以貲屬掾吏。願留。掾爲之言於丞相曰。詹鼎有奇才。以例弃不用。可惜。丞相不信。其人在。可召視之。非誣也。丞相果召見。鼎問之。鼎髯甚美。又能爲梁趙間言。步趨進退。閑雅有威儀。丞相甚喜之。稱於衆曰。詹鼎尚書才也。時河南行省缺。郎中吏部請命鼎爲之。丞相曰。



吾同事以鼎才不可使也待半歲除留守衛經歷改刑部郎中刑部佐僚未完有司請除吏丞相曰刑部有唐鼎在勝百輩其見稱如此鼎在刑部一以寬仁行法威聲不起而人皆樂其不苛刻罪人當分覆者爭曰願得唐公覆我我死不憾會大都督府受賂除軍吏事發証鼎有贓御史覆鼎鼎言在留守時所養孤甥來省恐有之鼎誠不知御史曰法貴殺有名卒誅鼎與百餘人皆死鼎坐罪薄有才人惜之鼎爲文章氣談通古人守身肅重行義好學不廢自陝入京師時聞人有好書價金

一斤。鬻無金。惟所乘驢。弃以買書。其爲人奇偉如此。及死。其所養孤甥。爲之服喪三年。

### 大理評事顧覲

顧覲。蕭山人。自童幼時。卽一覽不忘。善屬文。年十六。適洪武開科之始。遂以尚書。領浙江鄉薦第一。明年成進士。太祖甚愛之。日侍左右。遇有咨訪。呼曰。小翰林。

太祖嘗訪天下利病。覲對曰。治徒罪以上。悉廷審。臣民皆苦其煩。請自死罪外。悉從外省徑決。上允之。遂爲一代定制。尋擢大理評事。每審獄。必令唱名。卒於官。年

才二十有四。魏文靖公嘗從之學。惜其無嗣。爲設主祀之。終其身。

禮部右侍郎蔣良夫驥

蔣驥字良夫。錢塘人。弱冠領鄉薦。舉洪武庚辰進士。授行人。美丰儀。善詞令。在稠人中。形神秀朗。獨異。若游麟矯矯。見之者。知非常人。累官檢討司直。進翰林侍讀。侍講學士。與修太祖成祖仁宗實錄。及永樂大典等書。多所裁定。仕終禮部右侍郎。子琳。卒。官都察院左副都御史。自有傳。

禮部尚書李至剛銅

李銅字至剛以字行世爲台之寧海人父塾洪武初分  
教華亭因家焉至剛少穎秀不凡嘗從學楊廉夫爲詩  
文有清思洪武戊辰舉明經奉命侍懿文太子初授  
禮部試郎中既實授坐累謫戍邊無幾召還爲虞部郎  
中尋陞河南布政司右參議會河決汴隄居民危懼至  
剛建議假王府積木作筏濟之人賴全活甚衆調滿廣  
左參議太宗文皇帝入正大統至剛來朝大臣多言  
其才者且洪武舊人遂以爲通政司右通政且暮在

上左右道說洪武中事甚親密尋陞禮部尚書時禮部之務繁控至剛長於剴繁修理井然益見寵遇永樂二年冊立皇太子命至剛以冊書兼左春坊大學士東宮開經筵至剛與春坊大學士解縉最先進講及修永樂大典四方羣儒皆集仍以至剛董之無幾爲侍郎宋禮所間遂見疏歲餘降儀制郎中然遇劇務必以屬至剛仁廟嗣位念舊功臣復以爲通政數月又念其老不任朝奉出知興化府時朝廷方需仁澤於天下至剛仰祇德意勞心撫綏郡民德之甫再歲歿於官年七十

南國子祭酒陳光世敬宗

陳敬宗字光世。慈谿人。登永樂魯縉榜進士。時選俊才二十八人以應列宿之數。入翰林讀中秘書。名曰庶吉士。而敬宗與焉。文皇帝自教之。令內府給以書籍筆札。工部布几席。擇近居與處。以便宜召禮部給夜誦膏費。光祿供饌醢茗果食。罷許出遊息。仍免朝謁。自是益得以沉潛經史。百氏之言。上時至閣試之。勗其文行。期與韓歐並。驅後先。敬宗愈加磨礱。奮發會集。修永樂大典。命敬宗等考正謬謬。書成。授刑部主事。入史館修

太祖高皇帝實錄改翰林侍講曹賦北京賦平胡頌元  
夕觀燈賜宴偕儒臣應制賦詩上獨稱善宣德改元  
母憂起復勅修兩朝實錄未成轉南京國子監司業秩  
滿陞祭酒力以師道自任不少厭倦嚴立教條痛革舊  
習。居常持敬以身爲表率諸生成有所稟嚴於對君之  
禮時比監祭酒李時勉約束諸生身教亦嚴世稱南陳  
比李云敬宗平生剛平介潔勢利紛如一無所累評者  
謂其撓之不亂澄之愈清官太學二十餘年諸生極有  
至卿貳者而敬宗獨久不調意豁如也景泰元年引年

致仕德望文章名聞天下退而家居不輕出入有被執見者雍容談論莫不感發興起別號澹然居士至是號休樂老人有詩文十八卷曰澹然居士集卒年八十一

刑科給事中陸中善

子珪附

陸中善字中善慈谿人洪武丁卯由國子生授刑科給事中正直敢言聲譽日起逮文皇帝北巡留皇太子監國以尚書蹇義金忠爲詹事以中善爲丞與侍講楊士奇共總青宮之政小心慎密夙夜匪懈後坐解縉事出爲交趾丘烏令未幾復職疾亟謂其子曰當今仕



朱祚

卷之三十六

五

官爲子孫懼禍者比比吾歷官二十年受知二聖竭忠  
守分以清白遺汝吾目瞑矣仲子珪承家學爲儒官

尚寶司少卿朱永年祚

朱祚字永年寧海人性聰敏九歲能詩永樂八年以秀才  
徵試事詹事府尋爲鎮遠侯家塾教官十三年進元  
宵觀燈賦上喜而賚之由是知名洪熙初用尚寶司  
少卿袁忠徹薦擢行在中書舍人宣宗見其詞賦處  
之近密特陞翰林院修撰秩滿陞尚寶司少卿命教中  
貴人祚能詩能文援筆立就負氣好直言不恤毀譽晚

稍自憊因號默齋正統十年正月卒

辰州知府何彥容頤

何頤字彥容仁和人永樂甲申進士官刑曹郎持法嚴不撓貴勢京師爲之語曰母縱誕避何鐵面受知成祖每大獄親呼頤名使決之出知辰州裁抑豪強凡鎮守總戎殘擾市肆者悉舉正其罪未幾致仕歸家居十年不入城市以子琮貴贈通政使

翰林庶吉士柴廣敬欽

柴欽字廣敬餘姚人祖用中父伯玉皆早世母陶氏

其姑跡力守節以不隕柴氏家聲欽九歲孤然得所仰  
給以就師問業不嚮志於他技雜巧者母之力也年十  
二三時爲詩文往往有長成人調度鄉前進器重之皆  
謂伯玉有子永樂癸未捧鄉書明年上春官第進士時  
太宗文皇帝初御極拳拳於作興儒術文士選進士中  
穎異之尤者二十八人象天之列宿使爲庶吉士翰林  
欲其盡讀天下書必如古聞人之能以文名當世欽在  
列益感激奮勵務盡其學窮日夜而書不絕聲累積之  
厚故施諸文也質而華汪洋而沉着不蹈襲陳腐而駿

駁欲追古人轍跡尤善爲賦每出一篇輒玩味人口會  
朝廷纂修大典徵天下遺書備採摭欽進言其師國學  
典簿趙檣謙訂聲音文字通可收錄遂奉命馳傳卽其  
家取之旣至京師與纂修職分修禮樂音韻書日進退  
於館閣勞心思於考索編著縉紳皆閔其勤善其平生  
清苦刻勵天性然也卒以劬瘁致疾歿年僅三十有六  
京師士大夫不問交不交者莫不惜之

少詹鄒汝舟濟

鄒濟字汝舟餘杭人冲和易直表裏洞然不爲崖峻刻

削之行、洪武初、以明經授本縣學訓導、被薦入翰林、預修高廟實錄、永樂間、知平度州、爲政廉平簡重、頗以寬厚得吏民心、進禮部郎中、從征安南、累遷左春坊左庶子、位望清華、不敢驕溢、侍東宮、朝夕講誦、待遇優渥、陞詹事府少詹事、卒之日、家無餘貲、惟藏書數千卷、宣宗登極、念講讀舊勞、贈太子少保、謚文敏、

太僕寺少卿沈升

沈升、海寧人、永樂初、登進士、入翰林、爲庶吉士、授刑部主事、與修五經四書性理大全、累遷至太僕寺少卿、升

立朝好獎拔善類凡同年同官中有文武才能堪爲時用者亟疏薦之後皆不負所舉人多賞其鑒識

### 監察御史陳廷章憲

陳憲字廷章定海人永樂中由進士擢監察御史巡按湖廣江西莊重知憲體其在江西政績尤著糾察方面及郡邑吏之賢否而去留之無不協於輿論者南昌之民舊苦三司供給郡縣因之以爲利憲悉革之民大稱快安吉守禦千戶臧清貪淫兇暴爲殺人破家殆不勝紀都司受賂常曲庇之監司直指雖知之莫敢何問憲

至應得清殺一家無罪三人執訊引伏械送京師一郡  
宴然抃舞於道未幾以代歸而同官以鞠獄出入相評  
者皆引憲初鞠爲證遂并下刑部憲恚甚已得微疾既  
事白宜釋矣以覆奏未報尚羈獄中時施禮署部事寬  
而無制屬吏肆爲姦孽凡死罪繫獄者悉得自便減清  
雖罪狀明白尚繫獄未決夜竊至憲所詬詈捶擊之憲  
不勝忿竟以宣德三年十月卒於刑部於是公論皆各  
禮後上問侍臣曰聞御史陳憲能持身振憲紀今安  
在侍臣以實對上深惜之因是不直禮後有告濟德

罪者立命磔於市。

陝西左叅政李孟博約

李約字孟博仁和人永樂甲申進士授兵部職方主事左遷交趾通判未幾復職歷九載陞廣東按察司僉事每行部審繫獄聽讞精明直枉立判冤繫者多所平反人皆稱之調山東後入爲兵部員外郎兩使朝鮮不抗不隨人謂得使命之體時胡寇西部陞陝西左叅政督餉事竣還朝有僞稱校尉求郡邑賂遺者約籍其贓械送入京事達塞北邊軍及京營衛士反誣約居職力賄



受遺客隱約歎曰自弱冠受朝廷厚恩今已斑白何心復與健兒置對邪遂搖劾去既歸深衣幅巾徜徉山水關絕迹公府雅有士望年七十六卒

### 山東叅議孫子良

孫子良錢塘人洪武間貢入太學登永樂甲申進士第選爲庶吉士與修永樂大典書成拜武選郎中成祖北狩以尚書方賓從行會子良攝部事時兵政繁劇子良應答如流大爲監國所眷注侃侃持正請託不行人多忌之子良本以郎曹領部鈐制屬吏同列滋不能平

羣口交妒、遂落職、謫交趾布政司吏目。夷俗素不知學、子良善道、誘之、皆喜。漸濡德教、多有成者。洪熙改元、以言者薦、起掾屬、拜交趾參議。已調山東督理河道、上章乞休。卒年七十八。子良少喜學詩、出入唐宋諸大家、所著有螺城集四卷、行於世。

刑部郎中鄭良載厚

鄭厚字良載、仁和人。篤志問學、祈寒暑雨、未嘗去書。詩文典雅、居然以方家稱。登永樂甲申進士第、授武選司主事。陞南京刑部郎中、臨事周慎、未嘗有過、以持法不

阿忤時致仕歸卒厚自祖父世承詩禮一門內外循循雅飭營款不聞服食起居咸有軌則未嘗隨俗浮靡鄉以善守家法稱之所著有虛車集三卷

兵部尚書徐良玉琦

徐琦字良玉世爲錢塘人祖德富戊寧夏而生琦天姿英毅耽耽經史至忘寢食以蔡氏書中陝西鄉試登永樂乙未進士官夏之有進士自琦始也授行人遷兵部職方員外郎宣德間黎利倡亂南部廷臣議撫之擇應僚有才望者以行乃擢琦行在右通政持節往諭既至

利拜命畢遣人議相見禮琦曰吾奉 上命至爾酋盡  
禮使者卽所以尊朝廷禮何庸議利聞卽趨拜坐下坐  
所餽悉拒不受還遷兵部右侍郎未幾 上復命琦賁  
勅問黎利往年抗拒王師之罪并定歲貢常例至則利  
死利子麟蓄疑未服琦宣布朝廷威德曉以禮義示以  
禍福辭旨英暢意氣慷慨一國竦聽無有不帖服者由  
是麟感戴 上恩乃鑄金人一以代躬謝仍備方物遣  
陪臣以進闕廷 上大悅宴賁特厚遂命落琦戎籍蓋  
異數也進南京兵部尚書叅贊機務留守南都二十年

深沉果斷。每臨大議。衆論盈庭。徐以一言決之。衆皆悅服。卒謚忠襄。

僉都御史陳廷詢詔

陳詔字廷詢。青田人。少英敏絕倫。日誦萬言。以尚書魁永樂庚子鄉薦。登宣德庚戌會試第一。除監察御史。遷四川按察副使。時閩浙盜發。溫處屠掠尤慘。上素知詔威望。特拜都察院僉都御史。命巡撫浙江。勦平山寇。詔至。論以利害。不煩寸兵。斗粟而寇悉平。事聞。上大悅。陛見。錫賚甚厚。將論功崇爵。一夕疾作。卒於官。先是

郡嶺運金帛鉅萬犒軍委詔不問出入詔例給羨餘卽封還府庫無所私麾下歎曰此公家物也乃棄不取何爲其廉靖類若此

南京太常寺少卿夏輜輝瑄

夏瑄字輜輝太師忠靖公原吉之次子少聰穎喜讀書嘗竊觀忠靖奏草及忠靖朝退必請問所議事忠靖笑曰是非爾所知也然心默喜之仁廟嘗顧問忠靖曰廢子年幾何欲以近侍官之忠靖曰臣子幼稚非食祿時俟成立事陛下未晚也宣德五年忠靖薨宜廟震

悼不已。卽日遣中官致命於家。拜瑄尚寶司司丞。明日  
瑄入謝。時年十三。進退有度。特賜冠帶衣服。瑄將扶柩  
歸葬。宜廟聞其幼特免守制。使養母於官。而別遣行  
太。諫喪歸。且厚恤其家。瑄強記過人。張太師輔呼爲小  
友。蹇少師義而下。多瑄父執。禮重之。時雲南夷逆命瑄  
上疏乞立功自效。尚書王驥奇之。欲以瑄往。有沮之者。  
乃已。尋命署本司事。時四方多事。瑄上疏陳七事。多見  
採納。十四年虜犯京師。瑄憂憤陳四事。一謂虜乘勝遠  
聞鋒不可當。宜堅壁勿戰。使進無所得。退復氣沮。然後

出奇設伏諸道奮擊破之必矣一謂虜既舉國人寇邊無所禦且謂邊兵之半入捍京城內外夾攻彼將自潰一謂我軍依城爲營進無死志退有所歸宜嚴號令以堅其志如以三隊爲法前隊戰退令中隊悉斬以徇則士畏法而不畏敵矣詔亟行之後虜使至瑄又言虜無故遣使與吾譯者偕來必佯爲遜辭以緩我應援揣我進退覘我虛實或爲誑事虛情以亂我謀或賂我譯者令爲反間宜慎防之以觀其變又謂虜若引退宜分兵五路間道襲之以正兵二路當其前以奇兵二路襲其



傍以伏兵一路絕其後又以宣府大同諸路邀其歸蓋  
彼方恃強不虞吾至且待使回犯我而我先奪其心勢  
可必破況今太陰犯昴主胡不利太白出齊用兵敢戰  
吉臣以爲天道人事機不可失瑄又言虜旣得利今冬  
來春必圖再寇今汝寧鳳陽諸府及河徙故地流移之  
民無慮百萬恐因潦而動爲患不淺願假臣便宜使招  
募智勇以爲國用仍條陳事宜以爲先召吏士及其故  
老俾各舉所知凡舉主及所主勞以酒幣得名於旗以  
倡忠義然後榜諭凡有知兵敢戰習騎射諳地利能爲

間諜者許以官賞復其家一丁以給其力事平之後不  
願爲兵者釋之教閱之法以百人爲率擇其能者十人  
以教其九十人兵集既衆又習戰法可以捍京邑可以  
消外變事下兵部尚書于謙請試用其才監察御史王  
偉亦請勅瑄募兵淮揚會事定不果久之以母老乞就  
養留都命掌南京尚寶司事內艱服除復陳三事一曰  
賞罰以爲禦將不可不嚴任吏不可不寬宜罪敗師弃  
守之將以戒不忠增廉官能吏之祿以勵不任二曰去  
利以爲善治國者不損民以益己因舉近事以利致害

者食虜人貢致生邊患窮兵麓川以疲中國其弊在上  
汚吏賣民以妨文治貪將虐兵以耗軍伍其弊在下宜  
減浮費以輕徭賦省游食以足軍儲惜民力以培邦本  
又謂貴州宜仍洪武舊制置行都司罷藩臬郡縣命一  
良將輔以文臣使專決於外以寧邊患三日審機以爲  
制敵之機係乎攻守之得失因舉近事之失機者虜初  
寇大同氣銳鋒利不當戰而與戰以致敗績一也宜底  
德彼失利畏慎太過虜經其城當戰而不與戰以致土  
木之敗二也及虜越重關犯畿甸自納其死而我過遲

防禦無所施措以致大變三也宜鑒覆轍保遠圖傳天  
威以雪國耻大學士高穀見璵亟稱其才議璵薦於  
朝不果用奉使秦府凡冊封副使凡所賜遺悉不受還  
遷少卿成化二年遷正凡載考最陞南京太常寺卿仍  
掌尚寶司事無何以疾卒未卒前五日猶力疾草疏大  
略言臣伏見太宗文皇帝賜皇太孫勅諭皆農桑  
軍國爲政治民之要誠祖宗貽謀之至意願陛下置  
諸左右覽而行之仍命皇太子讀誦使預知民事艱  
難守成不易則不必遠求諸古而天下可治臣懷此言

未敢輒上。今臣病且夕死。此而不言。永無日已。願其子  
崇文上之。計聞遣官諭祭於南京。

會都御史陸仲輿矩

陸矩字仲輿。世家湖之歸安。父斌。坐累謫戍河間之阜  
城。矩遂以戍籍登宣德癸丑進士。授刑部四川司主事。  
陞郎中。奉命從征閩寇。是時主將不敏。士道途所經。民  
不勝其擾。矩白總戎嚴糾之。凡數令數奏之文。一出矩  
手。軍士屏息。不敢出氣。至則賊渠已死。餘黨據山寨。自  
首。官軍分道並進。矩與副將保定伯梁瑄獨當一面。賊

力以攻剋日破之擒其僞將而悉釋其脅從者國境遂  
平以功拜都察院右僉都御史鎮守真定諸郡富虜寇  
侵掠之餘民往往離散不止矩百方招輯發德州庫果  
數萬石賑其飢者民志始定以憂去服闋參贊延綏軍  
務陞辭賜楮幣二百錠至軍號令一新未逾月廢墜者  
日以修舉邊人私相告戒曰今之參贊非昔之參贊比  
也不可犯明年春方行邊冒風雪得疾亟還竟不起時  
年四十有八將佐以下弔哭之皆哀軍士有出涕者真  
定諸郡民間之皆巷哭爲之罷市

大理寺卿湯正傳宗

湯宗字正傳平陽人初由太學生擢河南按察僉事陞  
山東按察使左遷刑部郎中永樂初擢蘄州府知府時  
郡連遭水旱細民轉徙逋租百餘萬石無所出宗不忍  
迫促諭富民出米代輸富民知其能愛民者皆從其令  
不三月逋賦悉還又坐事左遷知祿州以薦召授大理  
寺丞時外夷貢使病死使者從人謂醫殺之獄成宗問  
牘數曰夷人知醫素無仇怨寧有故殺之理卒辨其誣  
河南水患民多流徙仁宗在東宮稔其才命往賑之

比還命署戶部主事未幾坐累繫獄者十餘年仁宗  
蒞祚立出之復大理丞俄進左少卿陞南京大理寺卿  
宣德元年命清理戎籍於山東時天久不雨宗極陳民  
間飢饉疲困之狀卽日召還勅有司免租稅蠲徭役罷  
不急之務二年正月卒年六十有三訃聞遣官賜祭命  
有司治葬

刑部右侍郎葉景賜春

葉春字景賜海鹽人幼警敏知學有才識洪武中舉自  
邑史歷事吏部者六年永樂初禮部尚書李志剛知其



通練薦於朝、擢禮部主客司主事、以勤敏、周審爲上官所重、陞郎中、再陞兩淮鹽運使、改福建布政司右參政、宣德元年、以蘇松常鎮嘉湖諸郡姦吏土豪肆爲貪虐、以毒細民、久而愈甚、特降璽書、命大理卿胡槩與春巡歷訪察、務去惡以寧善、後又益以錦衣衛指揮任啟、監察御史賴瑛、槩等奉命所至、秉公推明、行之以果、無所屈撓、於是數郡之內、氛翳廓清、猷訟問問、咸有生氣、時事之裁制、一董於胡、然在春之鄉、知之素明、而行之無私、視諸人尤難、事竣還奏、上嘉之、數人者皆建官

春遷刑部右侍郎歲中遽疾卒年六十有四

左副都御史邵以先

邵以先字以先蘭谿人中永樂乙酉鄉試明年成進士任廣東道監察御史慨然以功業自期明憲紀究律意而用法平恕至遇巨奸滑爲民厲者亦不少寬假聲譽遂起嘗巡按江西廣東福建克振風裁時仁宗皇帝監國尤所簡知間刑部都察院大理寺缺堂上官率命以署有重獄數以付以先感上知遇夙夜盡心無寧親理有所顧問應對詳明一時老成多推讓之陞江西北

察使先是南昌新建二縣苦上官和買長里數者供一日費家爲之空玘視事之日立罷之惟辭溢路而私沐便者皆側目焉然視玘自用簡儉亦莫敢一語侵之其江西五年政用肅然改福建治職如江西而有割之者倍繁稍濟以寬人稱得體宣德三年召爲南京都察院左副都御史時南京諸司緩弛而御史尤縱玘奉勅諭釋黜其不肖及庸懦者殆半繼奉勅偕六部長貳簡覈諸司之不肯庸懦者綱紀大振玘爲人內寬外肅仕二十餘年所歷中外皆風憲於條例故實與夫施措之宜

默識明習所至糾合官邪舉大體而略瑣細有所薦舉必清介士其薦濂之格蓋始終一轍卒年五十有六

監察御史陸子達和

陸和字子達江山人以進士任監察御史巡按中外凡九年力持風裁所至百司戒飭嘗奉勅監軍禦虜厝係塞道立朝抗疏直言甚裨治體京師號爲鐵面

工部尚書王原之來

子鑑附

王來字原之慈谿人順宣德元年鄉薦會試中乙榜授江西新建縣學教諭被薦擢監察御史遷換直隸蘇松

常鎮諸郡風采凜然尋奉命考察守令而下貪暴者望風引去正統初陞山西左參政調廣東先是倉儲久腐奏以歲徵折銀餉邊寬西北人民轉輸之勞上嘉納定爲令陞河南左布政使時流民數十萬屯聚奏請土著撫御備至卒彌其患已巳河水衝溢乃築堤植柳捍之民賴其利景泰元年陞都察院右副都御史撫諭河南湖廣北虜犯京師聞召卽率兵馳至衛輝以寇退引還尋陞都御史時貴州苗賊猖獗命總督湖廣軍務以勦之縛其渠魁常同烈等而撫定其餘黨師還召見偶

殿慰勞之轉南京工部尚書兼大理寺卿條陳時政十二事多見采納蒞事逾年疏剔釐正百役就緒英宗復辟賜致仕成化改元詔進一階卒年七十有六來偉姿貌少俊邁不羈善詩有奇語臨事明達事無大小而訊立斷奉命宣力四方所至以治辦稱子鎡中浙江鄉試授監察御史

禮部尚書王一寧

王一寧僊居人父俊用以鄉貢官國子監丞寧隨父居京年十三已能詩仁宗在東宮聞之召試早過銀河

詩立書七言絕句以進。祿見嘉賞十八。以詩經中京關  
鄉試。又四年戊戌舉李騏榜進士。尋以外艱歸。家居十  
年。始至京師會宜廟求文士甚切。吏部以寧應召見。  
試表正萬邦論及詩賦皆當。上心擢吏部主事。俾與  
大學士陳山等共事於文華殿。未幾改任翰林修撰。與  
修宜廟實錄書成。進侍講。以母喪歸。服闋克進講官。  
尋遷禮部右侍郎。奉勅往湖廣督運糧餉。隨軍進勦。薊  
賊措置有方。軍興不乏。景泰二年被召還京。理部事。遷  
左侍郎。晉通議大夫。無何以疾卒。訃聞。賜賻。槨萬緒遣。

禮部官諭祭贈太子太保禮部尚書謚文通命有司歸其喪并爲營葬感寧爲人聞敏而疏達爲文必根於理詩詞翰墨清絕可愛孝友忠信之行尤爲人所稱卒年僅五十有六有才而見於用不旣世共惜之

建撫都御史陳德清濂

陳濂字德清鄞人登正統乙丑進士授南京刑部主事明習文法如吏師進員外郎陞廣東按察僉事轉副使巡視海道海故盜藪而閩山又瀕海盜勢猖獗濂親親冒矢石討青應變日衆露請誓不與賊俱生詔雷電交



作風雨驟冥盜逆廣稱孽殺俘載無算海南肅然歷陞  
廣東左布政使尋陞巡撫廣東都御史廣人益欣戴領  
聲大作時存歲兵興供億師旅勞止日甚濂懇懇矜創  
如或傷之尋奉命總督漕運勤疏濬立程度輸運無後  
期者兩淮故南北孔道諸豪家漁獵貨貨率多暴橫凌  
噴庶姓悉裁以法善良咸獲其所丁內艱去適河南缺  
巡撫上謂非濂不可詔起復濂辭不許灑泣就道未  
幾改命巡撫北直諫兼巡紫荆諸要害明年上計漕  
運事重還濂原任比至淮疾作卒於蘇

應天府尹彭中孚信

彭信字中孚，仁和人。景泰辛未進士，選讀中秘書，擢山東道御史，巡歷紫荆諸關塞，邊烽爲之無警。巡撫廣東時，嶺南未靜，武將專征，頗易信。儒生及出師，普衆信爲帥，指陳方略，揆度事機，切中竅綮。卒之殄滅夷獠，兵無挫衄，信功居多。倖奏，帥以彼所得賞格信。信曰：「吾文士也，吾自有階奚以武爲？」識者偉其功而多其不伐。內艱，服闋，改貴州道，巡按陝西。歲滿，且代，藩憲交章願留，謂關右民悍勁，其異儒者至不能自立，信治之，強者鋤，弱者

者植威惠並行得憲臣體上從之爲留信再期而後復命巡按河南當是時信爲御史秩滿且代而復留者再巡歷諸藩無寧歲其勞績茂著上在東朝雅知之及卽位首擢順天府丞奏最階中憲大夫進尹以疾卒於官信爲人性度坦夷人謂其有納污藏垢之量至於遇事敢爲果斷立發則又謂其不苟柔吐剛云卒年五十有二壽不竟其材用世者惜之

左春坊左庶子周中規旋

周旋字中規溫之永嘉人正統丙辰擢進士第一入翰林

林爲修撰進侍講景泰壬申懷獻太子立進左春坊左庶子兼侍講如故授奉政大夫又明年是爲景泰甲戌正月二日風興方盥櫛造朝忽得疾遂卒旋六歲喪父未冠又喪母執然自立入郡庠爲弟子員卽奮發勵業於學儕輩咸推讓之每科舉必以魁自期雖屢弗偶而其志弗少挫卒用有成人翰林適詔選庶吉士得續夢中秘益進修不息其聲隆起儕輩復推讓之如諸生時同考壬戌會試得劉儼所作大加稱賞擢置高等同事者沮之旋不平爭之愈力已而廷試儼果大魁人皆服

其識未幾而景皇卽位慨然曰安夏壞夷此其時也  
上疏萬餘言皆當時急務其於親賢遠佞講學勤政之  
類語尤剴切多見納用進講經筵與修歷代君鑑皆受  
白金文綺之賜卒年五十有八旋與人交傾肝膽不事  
畛域爲文章耻陳腐務出已意爲奇語每作輒呼酒引  
滿三數行捉筆一揮千百言立就汗漫淋漓理致弘傑  
求者接踵戶外而旋應之常有餘有集若干卷藏於家  
兵部郎中洪子常經

洪常字子經鄞人中正統戊辰進士親政兵部尚書薨

瑩侍郎于謙謂常有經濟才特疏授武選主事政不沉俗斷斷焚錯綽有裕餘會土木之變瑩死謙爲尚書時虜患孔棘奏對勛一以委常每入朝必佩筆札以從事至且語且疏卽不草立上進員外郎郎中英廟復辟謙被讒死讒者復誣常爲謙黨上特原之讒者齟齬不止遂誣常吏以姦敗當事者聞於常常曰彼罪當則可如以常故則不可時侍郎陳汝言素惡常不附已遂因都指揮李進事誣常入進賂私庇之上亦置不問會西鄙多故命兵部尚書馬昂徃征之昂言部署乏

人上問洪常安在昂以憂去對詔起復之遂奉勅與  
陳武平伯會訊夷人常徒步往陳高其節以白金八十  
兩餽常買馬謝不受久之昂薦爲本部侍郎護者忌之  
遂劾昂私常遂乞骸骨歸家食三十年非歲時飲射不  
至公府蕭然一室左圖右書宴如也常爲人謙恭蘆溪  
不問家人產重然諾好抵人之急嘗捐俸歸僚友李鳳  
喪倡義葬主事李山如其高誼類若此

少詹事司馬恂如恂

子堽附

司馬恂字恂如山陰人自以宋溫國之後思輯其休光

在鄉校出入動止皆有常度正統中貢入太學祭酒李  
時勉延教其子尋中順天鄉試第一拜給事中使朝鮮  
朝鮮主素知恂名尊禮特異有所餽遺峻却之朝鮮至  
今猶有能誦其詩文者在職論事能持大體不爲苛察  
英廟復辟師同列極論人臣懷二心者慷慨引義擊刺  
權奸辭甚切至然敦厚周密權奸欲中傷卒無可乘者  
未幾遷爲春官贊善是時石亨曹吉祥內外相要結朝  
士多趨附之恂獨簡默自守亡何亨敗附者皆獲罪而  
恂竟以敘遷進少詹事兼國子祭酒敦禮範衆持其科



修諸生毋敢自便者尋以病乞歸司馬氏自宋來清白相承至恂歷顯仕服習如寒素其文學政事爲一代名臣卒贈禮部侍郎遣官祭葬如禮子在刑部員外郎亮篤行能文章稱世家云

湖廣叅政倪良弼輔

倪輔字良弼平湖人生而穎異讀書過目輒成誦天順間由進士授吏部主事三載遷郎中剔姦革蠹不避權貴嘗奉命冊封秦楚二藩餽遺悉却之歸惟圖書數冊而已陞湖廣叅政一介不苟撫治洞徑如赤子恩信所

及無不感悅卒於官士民哀思如失怙恃所著有類稿  
藏稿戲存稿藏於家

禮部右侍郎汪伯諸子舉賜附

汪諸字伯諸仁和人御史澄之子舉天順庚辰進士第  
改翰林庶吉士授編修纂修英廟實錄一時稱爲良  
史錄成進修撰歷陞右庶子遷侍東官講讀誠心啟誘  
孜孜夙夜及孝皇帝登極進少詹兼侍講學士克經  
筵講官修憲廟實錄克總裁擢禮部右侍郎兼學士  
屢疏乞休歸諸博學強記深沉不泄有大臣度持璽

潔如玉界尺事母極孝居喪枕塊遂得痺疾卒贈禮部尚書子舉賜皆進士舉官太常少卿賜至副使

工部尚書胡共之拱辰

胡拱辰字共之淳安人正統己未進士授黟縣知縣有惠政擢監察御史英廟北狩屢疏以選將保邦修德弭災爲言尋陞左叅政轉左右布政使歷左右副都御史南京工部尚書成化中儲位尚虛拱辰率諸大臣疏乞早定國本拱辰平生清謹所至以興利除害爲務在貴州兩廣四川督勦叛夷爲都御史時提督陳江勞績

可紀者甚多。年七十懇乞致仕而歸。弘治辛酉孝廟特賜之月廩歲隸。正德改元遣官以璽書存問。賜棨。原有加。三年正月卒。賜太子少保。謚莊懿。賜祭葬如例。拱辰卒時年九十三。大老居退林下。獲享榮壽。若拱辰代不多見。人以之方。諸魏文靖云。

副都御史陳宗之鎬

弟欽附

陳鎬字宗之。其先會稽人。占籍南京。欽天監。成化丙午舉應天鄉試第一。成進士。授禮部主事。歷山東提學副使。潮廣右布政使。進右副都御史。巡撫潮廣。明年以病

才學

卷之二十九

五

七

乞歸命未下而卒。錫明敏有吏幹。董學時校閱精當。得士心。巡撫時平漢。汚之盜民賴以安。錫與弟欽同科進士。而皆有才名。欽亦官廣東提學副使。兄弟文衡一時以爲盛。